



**GJYKATA SUPREME E REPUBLIKËS SË KOSOVËS
VRHOVNI SUD REPUBLIKE KOSOVA
SUPREME COURT OF REPUBLIC OF KOSOVO**



Date: 14.02.2014

Mbledhja e Përgjithshme e Gjykatës Supreme të Republikës së Kosovës në të cilën ishin të pranishëm edhe gjyqtarët dhe përfaqësuesit tjerë nga EULEX-i, në bazë të nenit 22 të Ligjit për Gjykatat e Rregullta, më 14.02.2014, një zërit miratoi këtë :

Mendim juridik

Ndaj madhorit të ri , i cili ka kryer vepër penale si madhor i ri, mund të aplikohet procedura sipas KPDM , nëse gjykata çmon se qëllimi që do të arrihej me shqiptimin e burgimit gjithashtu do të arrihej me shqiptimin e masës ose dënimit, duke marrë parasysh rrethanat nën të cilat është kryer vepra penale, mendimin e ekspertit lidhur me zhvillimin psikologjik të madhorit të ri dhe interesin e tij më të mirë, në të kundërtën ndaj tij aplikohen dispozitat e KPPK në të gjitha aspektet.

A r s y e t i m

Gjyqtari i Gjykatës themelore në Mitrovicë, me parashtresë, ka kërkuar mendim juridik nga Gjykata Supreme, përkitazi me atë se ; cila procedurë duhet të aplikohet dhe cilat masa, dënimë mund t'i shqiptohen madhorëve të ri si kryes të veprave penale?

Paraqitësi i kérkesë i është referuar një rasti konkret , ku kryes i veprës penale të vrasjes së rendë është personi madhor i ri i cili në kohën e kryerjes së veprës penale i ka pas mbi 19 vjeç.

Neni 4.i KPDM i cili ka krijuar dilema në praktikë shprehet ; dispozitat e këtij Kodi zbatohen ndaj seclit person të dyshuar për vepër penale të kryer si i mitur, pavarësisht nga mosha e tij në kohën e fillimit të procedurës(par.1.).dispozitat e këtij Kodi zbatohen edhe ndaj çdo personi të dyshuar për vepër penale të kryer si madhor i ri(par.2.).

Ndaj kësaj kategorie të kryesve të veprës penale mund të aplikohen dispozitat procedurale nga KPDM , nen 4-2 KPDM, (edhe pse ligji nuk ka përdorur shprehjen mund), nëse gjykata çmon se qëllimi që do të arrihej me shqiptimin e burgimit gjithashtu do të arrihej me shqiptimin e masës ose dënimit, duke marrë parasysh rrëthanat nën të cilat është kryer vepra penale, mendimin e ekspertit lidhur me zhvillimin psikologjik të madhorit të ri dhe interesin e tij më të mirë.

Pra, aplikimi i dispozitave nga KPDM, ndaj kësaj kategorie të kryesve është çështje diskrecionale e gjykatës e jo domosdoshmëri, edhe pse fatkeqësisht ligjdhënësi me rastin e ndërtimit të nenit 4.par.2. të KPDM, ka lëshuar ta përdor shprehjen mund, siç e kishte më parë dispozita e nenit 3 të Ligji penal për të Mitur i Kosovës, rregullorja e Unmik-ut nr.24/8, i cili nen në paragrafin 2.shprehet; *Kur ky Ligj e parasheh*, dispozitat e këtij Ligji zbatohen ndaj cilitdo person të akuzuar për vepër penale të kryer si madhor i ri e këtë mundësi ligji e kishte paraparë në nen 10.

Ligji penal i RSFJ ("Gazeta zyrtare"nr.44/1976) këto situata i rregullonte kësisoj: Dispozitat e veçanta të cilat i përkasin kryesve të mitur të veprave penale aplikohen nën kushtet e parapara në dispozitat e këtij krye edhe ndaj personave madhor kur gjykohen për veprat penale të cilat i kanë kryer si të mitur, *ndërsa përjashtimisht edhe ndaj personave të cilët veprën penale e kanë kryer si madhorë të rinj(neni 71.par.2.)*.

Ligji i procedurës penale ("Gazeta zyrtare e RSFJ" nr.4/1977) në nenin 452.par.2 parashihet: Dispozitat e neneve 454.deri në 456., 459.deri në 462., 471.,473., 475.al.1.dhe 2. dhe nenit 483. të këtij ligji që kanë të bëjnë me kryesit e mitur , *aplikohen në procedurën ndaj madhorit të ri* , nëse deri në fillimin e shqyrimit kryesor vërtetohet se ndaj këtij kryesi mund të shqiptohet masa edukuese në kuptim të nenit 82.të LP RSFJ e deri në atë kohë nuk ka mbushur moshën 21 vjeçare.

Neni 11.i KPDM, ka përdorur shprehjen “ ndaj kësaj kategorie të kryesve të veprës penale gjykata mund të shqiptojë masë ose dënimet në pajtim me nenin 7.të KPDM, nga ky

formulim qartë rezulton se ndaj tyre mund të shqiptohen edhe dënimet nga nen 42 të KPK.Pastaj në nenin 44.par.3.të KPK thuhet se dënimi me burgim të përjetshëm nuk mund të shqiptohet ndaj madhorit të ri, që shpie në përfundim se ndaj tij mund të shqiptohet burgimi .

Të gjitha këto fakte që u shtruan më lartë , qojnë në përfundim të pakontestueshëm, se ndaj madhorit të ri, për veprat penale të kryera si madhor i ri, parimisht aplikohen dispozitat e KPPK, aplikimi i dispozitave të KPDM, ndaj kësaj kategorie, të kryesve të veprave penale , është çështje diskrecionale e gjykatës e jo domosdoshmëri(përkundër nenit 4.të KPDM).

Dr.sc. Fejzullah Hasani

Kryetar i Gjykatës Supreme të republikës së Kosovës